



72004057



EXAMINATIONS COUNCIL OF ZAMBIA

Examination for School Certificate Ordinary Level

Icibemba

3153/2

Ipeepala Iya Cibili

Tuesday

19 NOVEMBER 2019

Fiimbi ifyakubomfya: Buukuleti wa maasuko

Inshita: Insa Shibili

Ifipoope ku Baleelemba Amashindano

Lemba ishina lyobe, inambala ya cifulo uleelembelapo elyo ne nambala yoobe mu mipokapoka ili muli buukuleti wakulembamo amaasuko.

Ili ipeepala likwete ifipande **fine (4)**. Waasuke amepusho yonse muli cila cipande.

Ubelenge ifipoope ifilipamo na meepusho ku lubali lumbi ulwa ili peepala.

Ulembe amaasuko muli buukuleti wa kwasukilamo uo bakupeelee. Nga caakuti uleelemba amaasuko ukucila pali buukuleti umo, aya mabukuleti uyabiike nokuyakakila pamo.

Iciishibisho ku Baleelemba Amashindano.

Amatoni ayaleepeelwa pali cila liipusho naayalembwa pa mpela mu tushilwa ngeefi [].

Tumusange taatwasuminishiwa mu mashindano.

gidemy.com

ICIPANDE CA BUMO

UKUPILIBWILA ILYASHI MU CIBEMBA [20]

Pilibwila ili lyashi mu Cibemba.

DIVORCE

Although the legal process of divorce involves two people, there are others to consider. Children of parents who are getting a divorce go through a difficult period of emotional adjustment. It is similar to the time of grief following the death of a beloved one.

These children of divorced parents sometimes feel they are the cause of their parents' separation. However, divorce happens for many reasons and children are rarely the cause.

Children of divorced parents must also learn to cope with the lack of the presence of both parents in the home. This often results in less money and therefore, lowers the standard of living.

Even though many of the effects of divorce are unpleasant, most people make adjustments and accept their new way of life. If your parents are going through a divorce, share your feelings with them. Find an elderly person, perhaps a counselor who can take you through the process of counselling.

ICIPANDE CA BUBILI:

UKUSUPAWILA UMULANDU [20]

Belenga uyu mulandu elyo wasuke iliipusho likonkelepo mukusupawila.

Nalimo mwalyumfwa kale uko abakulu baaleeti ukupoka icinsenda ku nkoko: kuunakilila. Pambi mwalyumfwa ne nsoselo mbiye, nayo abati butembele ndo buliile. Nomba ilyo tumfwa insoselo sha bubemba, limbi tatukwata inshita yakukutumana pakuti shingile mu matwi, shifike na mu mutima, na mu mutwe, tumone ukutikama kwa nsoselo ne calengele ukuti bashipaange. Limo kuti icikolwe cileesosa, aawe luno lwaisa ninshi eepa kupwenauka: ku kuteya impeta, atemwa ku maliba, pambi iciyeyeye mu misolo mu kwangala.

Abantu bambi nabo ino myaka, baleekulila mu cisungu, umushaba nga kufifulo fya fikolwe fyesu ukwaba kamfukwemfukwe we funde lisuma na insoselo sha maano. Imisango yabantu naipilibuka, ififulo fyakufyalilwamo abaana naafifula, imifuundile ya baana imo ilifye umusangwela. Icaalo ciine-ciine cili nga ico bakumbawiilemo umwiko. Nomba tacili na mulandu, cilifye, cikulu ifwe tusunge umukonso wifimba. Tukonke insoselo iya pa kale ilya baaleeti nga uli mu Roma, ulingile ukucita ifyo abeena Roma bacita. Nakaabushe, apo ino myaka kwaisa amabuuku, natubuulefye amafunde yafikolwe fyesu tuyapoose mu fitabo mwine, yakonkane ne caalo, uko kwine cikafika, nayo.

(Ukufuma mu citabo: 'Ukupoka Icinseenda ku Nkoko' icalembwa na ba Stephen A Mpashi)

Ale nomba asuka iliipusho ili.

Tantika imilandu iilengele ukuti abaana-kukula balufye amalango yafikolwe fyesu. Umulandu wakubalilapo naupeelwa.

– Ukukaana kwaata inshita yakutontonkanya pa malango pakuti yengile mu mutwe.

ICIPANDE CA BUTATU

UKUBELENGA NA UKUMFWIKISHA [30]

Belenga uyu mulandu peesamba elyo wasuke ameepusho ayakonkelepo yonse.

1 Umuko alyashiime ifumo lyakwa shifyala, aseenda mu kuluunga. Elyo aakumanya imboo, aalasa muli mulumbi, aasenda ne fumo, lyaba kaafwi kaaya na nama. Ulya muko aaisa ku mushi. Shifyala ati: 'wile ne fumo lyandi, nga kanshi walisha kwi?' Ati: 'Liile ne nama ndashile.'

Shifyala ati: 'watumpa icibi. Mfwaila ifumo, ngateifyo ndeekukanda.'

Umuko aeba umukashi ukuti amupekanisheshe impao, awe aima, alaaya ku kufwaya ifumo lyakwa shifyala. Aaya, aatolela apo aashiile ikuba, aaya aleeshikonka aalaayafye mu mulondo.

2 Ilyo aaleya, aasanga akakote na ijongo akati sauntineko icipute. Aakatina. Akati: 'Ale, akufipilila ku kanwa.' Aalafipilila ku kanwa na ciine. Elyo akati: 'Awe mwandi uli lamba lya mwana, naine ndekupeela ica bulumba bwandi. Seenda utusengo twandi, twakulaakuumina amakwa umo uleeya. Nga waenda ulufwiile ijombe, ukeesanshiila insengo shandi pakuya ku mwenu. Kafikepo, uko uleeya, kwalyafya. Amashina ya tusengo utu, kamo nika Ntasheeni, kambi nika Mulungu-twendela. Nga wasanga icakwafya, kuti wabuusha Ntasheeni, ewakweeba ukubuusha kuli Mulungu-twendela.'

Umuntu-nse aaima, aalaya mu mulondo wa mfunda. Pantanshi aasanga ifyulu fileelwa. Aabuusha Ntasheeni, eewamusuminisha ukubuusha Mulungu-twendela. Ati: 'Mulungu-twendela ni shaani?' Ati: 'caafye, akuya.' Kabili aasanga imiti ileitema. Abuusha utusengo mu mutande filya fiine. Ati: 'Neeci ciine cilifye, akuya'. Kabili aasanga imitondo ya maalwa, naiitubila, ilefuluka fye. Abuusha utusengo. Ati: 'Teekwasha, akuya fye'.

Aapita, aasuka aasanga imboo ishaingiile pa cijanajana ca bwendo, abuusha utusengo. Ati: 'Ingilafye teemulandu.'

3 Ilyo aingila mu cibwendo, aapulikilwafye ali mu caalo cimbi, mu musumba uukulu. Baposhanya na abeena musumba, bamubuusha uko atulile, elyo bamutwala ku mfumu. Utusengo twamucenjasha atuti: Pakuyatoota wipita pa lubansa lwakumbilika, nelyo umukaaya uuleekutwala ku kutoota aleyapitapo, iwe

teekwasha. Kabili uye tootela pa cishaala, epo usename pa kutoota. Ninshi waciimba, pa milandu waleeta. Ulya muntu ayacitila nga mulya mwine baamwebee. Imfumu aile mukutootako aali ni Leesa Mukulu. Imfumu aiti: 'Ulefwaya nshi?' Ati: 'Nkonkele imboo naalashile, yalinsendela ifumo.' Imfumu aiti: 'Kanshi nimwe munconkawila ifiloonda mu njombe shandi!' Ati, 'Taa' imfumu yaibukisha ifyo umuntu aacicimba, yabweeshamo umutima, yamweba ukuti ayelaala, akaye imona uluceelo lukonkapo. Yaipusha na abakaaya aiti: 'Namumulanga ijanda?' Abati: ifwileko mulopwe!' Aiti: 'Kamulangeeni mwa Liye.' Uluceelo imfumu aiti 'Mwiteeni.' Bamwita. Yamutwala mu matanga yamboo na ayanama shimbi yamusontelela aiti: 'Eko shifuma shonse ni kuno kwine. Salapo ifumo lyobe. Mona ifyo mwandemanikila inama.' Aalolesha amafumo, caani ca ku mutenge. Aipusha Ntasheni, nao amweeba ukwipusha Mulungu-twendela. Eewa mweba ati: 'Ilyo ulemona ka lunshi kaikalako akakashiike ku mulopa, eilyo liine'. Na ciine aamona ka lunshi kaikalako elyo aeba imfumu ati: 'Ni ili'. Ati: 'Buula.' Awe abuula. Teepakutemwa ico aalubuka kubukali bwakwa shifyala uwapeene amukande. Pa kubwelelamo, imfumu yamulongelesha na umupila, ishina lya uko ni Nkansa, aiti: 'Nga uleenda mu mfiifi, Nkansa e cengelo coobe, na mu njanda nga mwafiita, icengelo ni Nkansa ii. Kafikepo!' Umuntu-nse ati, 'Taa!'

- 4 Uyu muntu aasha aapakasha, aalaisa noomo aatuliile. Aaisashiila na kakote utusengo twakako, aasuka aafika na ku mushi. Bashimumonafye, caweleketa. Ntwenokane aabwela! Cafika na kuli shifyala. Nao aisa muposha aati nookuti: 'Eeya taata, cawama apo wambwesha ifumo!' Cilya bwaila, aalesha umukashi ukukosha umulilo mu njanda. Aatama umupila wa Nkansa, na mu njanda mwabuuta tuutu mpakafye bwaca. Lilya kwabuuta aabuula Nkansa abiika mu mufuko. Ifi baana maayo baaba, umukashi aaya aleeyalasha umushi onse ati umwina-mwakwe naaisa ne Nkansa iyakuti nga pafiita, aabuula, aalaata, ninshi imfiifi kuicimfya, incende yonse yabuuta na tuutu. Icingulo ilyo akasuba kaafwa imisonga, ulya mulumendo aafumye Nkansa, aatama panshi, aalaata, pabuuta na tuutu. Abantu bonse mu mushi, abanoono, abapungwe na abakoloci baakutaana baalaate Nkansa. Amashiwi yashimiike umukashi tayawiile panshi, abantu bonse baalaimonamofye cilolololo. Baatemwa icibi.
- 5 Ubushiku bwakonkelepo umwine wa Nkansa aaya ku milimo. Abantu bashaala baashinga ijanda abati umo naengilemo, afumye Nkansa tuleeta. Uuli apa ati: 'Ala, ndi mulanda.' Umbi nao ati: 'Awe, ine iyoo.' Shifyala ati: 'Seleniko njefumya kabili mwaana wandi!' Aafumya, aatama panshi, baalaata na ababiye. Baatelefye cinoono, baamona Nkansa yaaya ileetanauka. Abati ileebwela. Yaba! Efyo yalubile, yaililila, yalaala yaba ni kaafwi kaaya na nama. Bonse baasalangana ku mwenso. Shifyala ashaala eeka, aikalafye nsunsukuulu ico ewabaliilepo ukupyepyesha uwamupiile mwane. Cilya umwine Nkansa aleefika mu mushi, nabasaala kale abati

umfwa ificitile sofyala. Nao ati: 'Alikwi?' Abati: 'Ulya.' Ifyakonkelepo ukucitika, na imwe beene namwishiba. Ne wakwa Lwaminda, nshamyebe.

(Ifingi natwalula muli uyu mulandu, leelo ilyashi lyena lifumine mu citabo 'Imilumbe ne Nshimi Bashimika mu Lubemba' icalembwa naba P.M.B Mushindo)

Cila liipusho, ukufuma pa lyakubalilapo (1) ukushinta pa lyalenga ikumi (10) naalikwata amaasuko yane, (A), (B), (C) na (D). Iwe usalepofye ubwasuko ubulungeeme ukucila ayabiye elyo ulembe ne cilembo iciyeene no kwasuko wasala pali cila liipusho (A), (B),(C) nangu (D) eepela.

- 1 Mu cipande ca bumo twaumfwamo ukuti ...
 - A shifyala ayashiime ifumo lya muko.
 - B ukupiinda uwakulufisha icintu tacaaba na mulandu.
 - C umuko aali ni fundi.
 - D umuko taishiibe ukwasheelee ifumo. [2]

- 2 Pali ii imiseela ine, salapo umo uwacishinka ukulingaana neefyo usomene mu cipaande ca bubili.
 - A Umuntu-nse aatinine akokote ijongo.
 - B Akakote kaapeeleleelele umuntu-nse utusengo twakako.
 - C Umuntu-nse taishiibe ukuti uko aaleya kwalyafya.
 - D Umuntu-nse amyangile amafina mu cipute ca kakote. [2]

- 3 Amashiwi yakuti, nga waenda ulufwile ijombe mu *cipande 2* yalolele mukuti ...
 - A ukuyu kuncende ukwaba ijombe.
 - B ukwenda nga nabepaya ijombe.
 - C ukwenda ne shuuko.
 - D ukwenda ukaabula ukulolesha kunuma. [2]

- 4 Utusengo umuntu-nse aali nato ...
 - A twakumwafwa ukucimfya amaafya munshila.
 - B twakwa Leesa Mukulu.
 - C bwanga akakote kaapandile.
 - D eetwaleeteleelele umuntu-nse. [2]

- 5 Mu *cipaande 3* abeena-musumba bayasuka imfumu abati, 'Ifwileko mulopwe.' Ukulingaana neefyo umulandu ufungulwike baalosha mukuti ...
 - A ijanda ifwile epo ili.
 - B naatumulanga kale apakulaala.
 - C mulopwe, umulendo tafwile kusendama muno mushi.
 - D Kaana-beesa, mulangeeni ijanda nimwe. [2]

- 6 Icalengele ukuti imfumu ifululuke, ibweeshemo umutima niico ... [2]
A imfumu ni Leesa Mukulu uwaluse.
B umuntu-nse aali mubwafya kuli shifyala.
C ifiloonda ku mboo kuti fyapolafye nga basomonamo ifumo.
D yaloleeshe pafyo umuntu-nse aanakiliile.
- 7 Ishiwi lyakuti 'Taa' ... (*icipaande 3*) [2]
A eelulimi balanda kuli ici caalo caileko umuntu-nse.
B eekutiila 'taata' mukwipifya.
C eekusumina ifyo bakweeba mucinshi-mucinshi.
D balibomfya nga uleepapa ifyacitika.
- 8 Cinshi umuntu-nse aaleseeshe umukashi wakwe ukukosha umulilo? [2]
(*Icipaande 4*)
A Pantu aalibweshe ifumo lya kwa shifyala.
B Nkansa kuti yapyana ngapali umulilo mupeepi.
C Ulubuuto lwaleefwaikwa ubushiku lwaleefuma ku Nkansa.
D Taaleefwaya umukashi aye mukwalasha.
- 9 Twaishiba shaani ukuti amashiwi yashimiike umukashi tayawiile panshi? [2]
A Abantu bonse mu mushi baaliishile mukutamba Nkansa.
B Abakoloci nabo baalitesesheko.
C Pantu umwina-mwakwe aafishile Nkansa mu mufuko.
D Abantu baatemenwe icibi.
- 10 Umuntu nga atila, 'Ala, ndimulanda' ninshi aleeti ... (*icipaande 5*) [2]
A nshakwata amasambi.
B nakaana.
C nshili wa cuuma.
D napapa nganshi.

Ale nomba asuka ameepusho nayambi aya yakonkelepo. Aya yena wasuke mu miseela iyapwililika.

- 11 Insoselo yakuti '... kaafwi kaaya na nama' ilesangwa mu cipaande ca bumo elyo ne cipaande ca busaano. Ukulingana nooyu mulandu ii nsoselo ilepilibula shani? [2]
- 12 Ukulingana ne cipaande cabubili, finjelengwe finga ifyo umuntu-nse aakumenye mu bulendo bwakwe? [2]
- 13 Fintunshi fibili ifyo umuntu-nse aacitile pakulanga imfumu ukuti naaciimba pa milandu aaleetele? [2]
- 14 Mu cipaande ca bune, maashiwi nshi ayaleelanga ukuti abeekala-mushi baalisansamwike ilyo baamweene umuntu-nse abweela? [2]

- 15 Mu museela wakulekelesha kaleemba atila: Ifyakonkelepo ukucitika na imwe beene namwishiba.' Landa ifyakonkelepo ukucitika, usose no mulandu walandila ifyo. [2]

ICIPANDE CA BUNE

UKUSOOBOLOLA ICIBEMBA [30]

1 Twala ii miseela mukulandilwako pamo ngeefi:

Lombe ati, "Ine nshifwaya kupusana na abanandi."

Ubwasuko: Lombe aatiile ati eena taaleefwaya ukupusana na abanankwe.

- (a) Abeekala-caalo abati, "Icibweseshwa icaalo kuunuma maafisa-kamwa." [2]
(b) Shi-milandu ati, "Mukwai ndeefuta imisha yandi yonse leelo line." [2]
(c) Ndeeti naati, "Ndebwelela mu cifuka candi icaakale uyu mwaka uleeisa. [2]

2 Lemba bwino amashinte yamashiwi yesaliilwe pakuti yabe mukubwekeshapo pamo ngeefi.

Chanda aalitemwa (-sek-).

Ubwasuko: Chanda aalitemwa ukusekaseka.

- (a) Kabwe mwaana muusuma taatemwa (-kaan-). [2]
(b) Bakafundisha (-lemb). [2]
(c) (-fulw-) kulatalusha abantu pa mushi. [2]

3 Alula imiseela ukulingana neefyo bakwipwishe mu mashiwi ayesaliilwe pamo ngeefi:

Mpeela njiliile (fusha)

Ubwasuko: tupeleeni tuiliile.

- (a) Uyu aakosa umutima nga ilibwe. (ceefya) [2]
(b) Uutoola umupamba tashibata. (fusha) [2]
(c) Uyu mwana aaba uwateekanya. (kusha) [2]

4 Lemba ishiwi ilikwete ubupilibulo ubwapusana ne shiwi ilishililwepo muli cila museela pamo ngeefi:

Aba ni bashiifwe.

Ubwasuko: Aba ni banyinefwe

- (a) Kangwa aaliya kuli banalume. [2]
(b) Uyu ni ndume yakwa Kasonde. [2]
(c) Banokokulu nabeesa. [2]

5 Lemba imiseela ukulanga ukucitulula pamo ngeefi:

Fwasa icipunda ameenshi yepita.

Ubwasuko: Fwasulula icipunda ameenshi yapite.

- (a) Nga wantuka, ndeefulwa. [2]
- (b) Kakeeni inkaama iishibikwa. [2]
- (c) Bataata nabapyata umwando. [2]

Amashindano Yapwa

